

1. Faris Šehović, predsjednik,
2. Nedim Salihagić, zamjenik predsjednika,
3. Armin Handžar, član,
4. Kerim Balić, član,
5. Borislav Gojić, član.

Član 3.

(Nadležnosti Komisije)

Nadležnosti ove Komisije su:

Detaljna analiza značaja Ivice Osima za Novo Sarajevo i priprema plana memorijalizacije u skladu sa finansijskim kapacitetima Općine Novo Sarajevo i pravnim mogućnostima, i nadležnosti za provođenje plana.

Cilj komisije je da u roku od 30 dana pripremi i predstavi na sjednici Općinskog Vijeća plan memorijalizacije.

Djelovanje komisije će se završiti usvajanjem navedenog plana.

Član 4.

(Rad i saradnja)

Komisija će nadležnosti utvrđene u članu 3. ove Odluke, obavljati u saradnji sa Općinskim načelnikom, odnosno svim nadležnim općinskim službama, kao i sa svim drugim nadležnim ustanovama sa područja općina, Grada Sarajevo i Kantona Sarajevo, u pripremi i realizaciji programa, planova i drugih akata i dostaviti iste Općinskom vijeću na razmatranje i usvajanje.

Član 5.

(Primjena propisa)

Komisija radi u sjednicama i u svom radu primjenjivat će odredbe Poslovnika Općinskog vijeća Novo Sarajevo, koje se odnose na sazivanje i rad radnih tijela.

Član 6.

(Pravo na naknadu)

Članovi Komisije ne ostvaruju pravo na naknadu.

Član 7.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02OV-04-7765/22
28. jula 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

ZAKLJUČAK**O DAVANJU SAGLASNOSTI NA NACRT UGOVORA O UREĐENJU MEĐUSOBNIH PRAVA I OBAVEZA U SVRHU REALIZACIJE POSTUPKA IZGRADNJE SOLARNE FOTONAPONSKE ELEKTRANE ZA OBJEKAT SPORTSKE DVORANE "GORAN ČENGIĆ"**

Član 1.

Općinsko vijeće Novo Sarajevo daje saglasnost na Nacrt Ugovora o uređenju međusobnih prava i obaveza u svrhu realizacije postupka izgradnje solarne fotonaponske elektrane za objekat Sportske dvorane "Goran Čengić".

Član 2.

Daje se ovlaštenje Općinskom Načelniku, da nakon stupanja na snagu ovog Zaključka sa JP ONSA d.o.o. Sarajevo, zaključi Ugovor o uređenju međusobnih prava i obaveza u svrhu realizacije postupka izgradnje solarne fotonaponske elektrane za objekat Sportska dvorana "Goran Čengić".

Član 3.

Zaključak stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02OV-19-7769/22
28. jula 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

OPĆINA TRNOVO**Općinsko vijeće**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 10. sjednici, održanoj dana 26.07.2022. godine, donosi

ODLUKU**O NOVČANIM PODSTICAJIMA U POLJOPRIVREDI NA PODRUČJU OPĆINE TRNOVO****I. OPĆE ODREDBE**

Član 1.

(Predmet odluke)

Ovom odlukom propisuju se u općini Trnovo (u daljem tekstu: Općina) izvori i visina novčanih sredstava, mjere novčanih podsticaja u poljoprivredi, modeli podsticaja, opšti uslovi za ostvarenje novčanih podsticaja, korisnici novčanih podsticaja, postupak ostvarenja novčanih podsticaja, izvještavanje o realizovanim novčanim podsticajima, nadzor nad provođenjem ove odluke, kao i druga pitanja u vezi sa novčanim podsticajima na području Općine.

Član 2

(Svrha odluke)

Svrha donošenja ove odluke je provođenje harmonizacije mjera novčanih podsticaja, sigurnosti i kontinuiteta novčanih podsticaja sa ciljem stvaranja i podsticanja poljoprivredne proizvodnje do nivoa samoodrživosti i profitabilnosti u formi tržišno orijentiranih robnih poljoprivrednih proizvođača, podsticanje tehničko-tehnološkog i organizacionog unapređenja sektora poljoprivrede, osiguranje stabilnog poljoprivrednog dohotka i omogućavanje adekvatnog životnog standarda poljoprivrednog proizvođača.

Član 3.

(Značenje pojedinih izraza)

U smislu ove Odluke, pojedini izrazi imaju slijedeće značenje:

- a) "Poljoprivredna djelatnost" podrazumijeva privrednu djelatnost koja obuhvata biljnu i animalnu proizvodnju i sa njima povezane uslužne djelatnosti u skladu sa standardnom klasifikacijom djelatnosti u Bosni i Hercegovini.
- b) "Poljoprivredno gazdinstvo" podrazumijeva proizvodnu jedinicu ili grupu jedinica koje čine proizvodnu cjelinu i sa tehničkog i privrednog gledišta, koje se bave proizvodnjom poljoprivrednih proizvoda; gazdinstvo se može baviti i drugim djelatnostima (nepoljoprivrednim) proizvodnim i uslužnim djelatnostima. Poljoprivredno gazdinstvo može djelovati kao privredno društvo, obrt ili zadruga ako je registrovano za obavljanje poljoprivredne djelatnosti, te kao porodično poljoprivredno gazdinstvo.
- c) "Porodično poljoprivredno gazdinstvo" je samostalna privredna i socijalna jedinica zasnovana na vlasništvu i/ili upotrebi proizvodnih resursa i upravljanju porodice u obavljanju poljoprivredne djelatnosti.
- d) "Nosilac poljoprivrednog gazdinstva" podrazumijeva fizičko ili pravno lice, ili grupu fizičkih i pravnih lica u skladu sa statusom koji ima grupa i njeni članovi prema zakonima u Bosni i Hercegovini i Federaciji Bosne i Hercegovine, a čije se gazdinstvo nalazi na teritoriji Općina, te obavlja poljoprivrednu djelatnost i koji je u Registru poljoprivrednih gazdinstava upisan kao nosilac gazdinstva. Vlasnik obrta registrovanog za obavljanje poljoprivredne djelatnosti je ujedno i nosilac poljoprivrednog gazdinstva. Ovlašteni zastupnik privrednog društva ili zadruge registrovane za obavljanje poljoprivredne djelatnosti je nosilac poljoprivrednog gazdinstva.
- e) "Kandidat" podrazumijeva poljoprivrednog proizvođača registrovanog za obavljanje poljoprivredne proizvodnje: pravno lice (registrovano po Zakonu o privrednim društvima i Opštem zakonu o zadrugama), fizičko lice (registrovano po Zakonu o obrtu i srodnim djelatnostima u FBiH) i neregistrovano fizičko lice koje se bavi poljoprivredom, a koje je upisano u Registar poljoprivrednih gazdinstava i Registar klijenata na području Općine.

II. IZVORI NOVČANIH SREDSTAVA

Član 4.

(Izvori novčanih sredstava)

Sredstva za realizaciju novčanih podsticaja iz člana 1. ove odluke obezbjeđuju se u Budžetu Općine (u daljem tekstu: budžet) za svaku kalendarsku godinu i iz drugih izvora.

Član 5.

(Odluka)

- (1) Iznos novčanih podsticaja, minimalni uslovi za početak proizvodnje, minimalne površine za investiranje i rokovi podnošenja zahtjeva utvrđuju se odlukom o iznosima novčanih podsticaja, minimalnim uslovima za početak

proizvodnje, minimalnim uslovima za investiranje i rokovima podnošenja zahtjeva (u daljem tekstu: odluka), a koju općinski Načelnik (u daljem tekstu: Načelnik) donosi za svaku kalendarsku godinu, a nakon usvajanja Budžeta.

- (2) Načelnik donosi odluku iz stava (1) ovog člana najkasnije u roku od 30 dana od dana objavljivanja budžeta u "Službenim novinama Kantona Sarajevo".

III. MJERE NOVČANIH PODSTICAJA

Član 6.

(Mjere novčanih podsticaja)

- (1) Novčani podsticaji u smislu ove odluke obuhvataju podsticaje u sklopu mjera podsticanja proizvodnje i podsticanja u sklopu mjera strukturne politike.
- (2) Novčani podsticaji u sklopu mjera podsticaja proizvodnji provode se kroz model proizvodnji.
- (3) Podsticanje u sklopu mjera strukturne politike provodi se kroz:
 - model kapitalnih ulaganja,
 - model ostalih vrsta ulaganja.

Član 7.

(Raspodjela sredstava)

Raspodjela raspoloživih novčanih sredstava za novčane podsticaje za budžetsku godinu vrši se tako da pojedinim modelima pripadaju odgovarajući udjeli u skladu sa raspoloživim sredstvima.

IV. MODELI PODSTICAJA

Član 8.

(Modeli podsticaja proizvodnji)

U okviru modela proizvodnji novčani podsticaji obuhvataju:

- animalnu proizvodnju;
- biljnu proizvodnju;

Član 9.

(Animalna proizvodnja)

U okviru animalne proizvodnje podstiče se:

- a) farma za uzgoj goveda;
- b) farma ovaca
- c) farma koza;
- d) farma za tov piladi;
- e) farma koka nosilja;
- f) pčelinjak;

Član 10.

(Biljna proizvodnja)

U okviru podsticanja biljne proizvodnje podstiče se:

- a) U okviru ratarske proizvodnje podstiče se:
 - zasijane površine merkantilnim žitaricama;
 - zasijane površine heljdom;
 - zasijane površine ljekovitim biljem.
- b) U okviru povrtlarske proizvodnje podstiče se:
 - zasijane površine merkantilnim krompirom;
 - zasijane površine graham;
 - zasijane površine lukom.
- c) U okviru plasteničke/stakleničke proizvodnje podstiču se zasijane površine povrtnim kulturama ili jagodičastim voćem.
- d) U okviru voćarske proizvodnje podstiče se:
 - zasnivanje novih zasada krošnjastog voća;
 - održavanje zasada krošnjastog voća (nakon zasnivanja od prve do pete godine po zasnivanju);
 - zasnivanje novih zasada jagodičastog voća;

Član 11.

(Model kapitalnih ulaganja)

U okviru modela kapitalnih ulaganja započelih u tekućoj godini podstiče se

- a) izgradnja novih i rekonstrukcija postojećih štalskih objekata za uzgoj goveda, ovaca, koza i peradi u okviru poljoprivrednog gazdinstva.
- b) nabavka nove poljoprivredne mehanizacije i opreme u biljnoj i animalnoj proizvodnji;

Član 12.

(Model ostalih vrsta novčanih podsticaja)

U okviru ostalih vrsta novčanih podsticaja, a u zavisnosti od raspoloživih sredstava Općina može podsticati:

- realizaciju pojedinačnih projekata iz oblasti poljoprivrede, a koje ocijeni značajnim za razvoj poljoprivredne proizvodnje na području Općine;
- aktivnosti različitih organizacija, udruženja ili asocijacija, a koje su u funkciji razvoja poljoprivrede na području Općine;

Član 13.

(Pravo na novčani podsticaj)

- (1) Pravo na ostvarenje novčanih podsticaja ima kandidat koji je sa sjedištem, odnosno prebivalištem na području Općine.
- (2) Kandidat iz stava (1) ovog člana koji želi ostvariti pravo na novčane podsticaje u skladu sa ovom odlukom, a nije upisan u Registar poljoprivrednih gazdinstava, odnosno Registar klijenta (u daljem tekstu: registri) ima obavezu isto učiniti.
- (3) Izuzetno od stava (2) ovog člana pravo na novčani podsticaj može ostvariti i kandidat koji se bavi poljoprivrednom proizvodnjom na području opštine Trnovo (RS) a s prijavljenim prebivalištem na području općine Trnovo (FBiH).

Član 14.

(Posebni uslovi)

- (1) Posebne uslove i potrebnu dokumentaciju kojom se dokazuje ispunjavanje opštih i posebnih uslova za ostvarenje prava na novčani podsticaj propisat će se pravilnikom o posebnim uslovima za ostvarivanje prava na novčani podsticaj.
- (2) Pravilnik iz stava (1) ove člana Načelnik donosi u roku od 30 dana od dana stupanja na snagu ove Odluke.

**V. POSTUPAK ZA OSTVARENJE NOVČANIH
PODSTICAJA**

Član 15.

(Javni poziv)

- (1) Pravo na ostvarivanje novčanih podsticaja u smislu ove Odluke realizovat će se po podnošenju zahtjeva zainteresiranih lica a nakon provedenog Javnog poziva.
- (2) Sadržaj javnog poziva i postupak po istom će se detaljno urediti Pravilnikom iz člana 14. ove Odluke.

VI. NADZOR NAD PROVOĐENJEM OVE ODLUKE

Član 16.

(Nadzor)

Nadzor nad provođenjem ove odluke vrši nadležna Služba za privredu u okviru svoje nadležnosti.

Član 17.

(Istinito prikazivanje proizvodnje)

Ukoliko Komisija za dodjelu novčanih podsticaja utvrdi drugačije činjenično stanje na terenu od onog koje je lice navelo u zahtjevu i izjavi, naredne tri godine njihovi zahtjevi za dodjelu bilo kakvih novčanih sredstava od strane Općine neće biti razmatrani.

VII. PRELAZNE I ZAVRŠNE ODREDBE

Član 18.

(Stupanje na snagu)

Ova Odluka stupa na snagu danom donošenja, a naknadno će se objaviti u "Službenim novinama Kantona Sarajevo".

Broj 01-02-2833/22
29. jula 2022. godine
Trnovo

Predsjedavajuća
Općinskog vijeća Trnovo
Amina Dedić, s. r.

Na osnovu člana 363. stav (3) tačke 3. Zakona o stvarnim pravima ("Službene novine Federacije BiH", broj 66/13 i 100/13) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 10. redovnoj sjednici održanoj 26.07.2022. godine, donosi

ODLUKU**O NEPOSREDNOJ POGODBI ZA PRODAJU
NEIZGRAĐENOG GRAĐEVINSKOG ZEMLJIŠTA JP
ELEKTROPRIVREDA BIH D.D. - PODRUŽNICA
"ELEKTRODISTRIBUCIJA" SARAJEVO**

Član 1.

Odobrava se prodaja neposrednom pogodbom neizgrađenog građevinskog zemljišta JP Elektroprivreda BiH d.d. podružnica "Elektrodistribucija" Sarajevo Zmaja od Bosne 49. (u daljnjem tekstu: Kupac) označenog kao k.č.832/2 površine 20,00 m² K.o.Presjenica za izgradnju transformatorske stanice KBTS 10(20)/0,4 kV "Gornja Grkarica" (T32910).

Prodaja neposrednom pogodbom se vrši za potrebe izgradnje objekta komunalne infrastrukture.

Član 2.

Ukupna površina lokacije koja se prodaje je 20,00m²
Namjena zemljišta: elektroenergetski objekat
Neto korisna površina objekta 20 m²

Član 3.

Za neizgrađeno građevinsko zemljište iz tačke 1. ove Odluke kupac je dužan platiti iznos 2500,00 KM odnosno 125.00KM/m²

Za pogodnost građevinskog zemljišta-rentu Kupac je dužan platiti iznos 1002,00 KM odnosno 50,10 KM/m² neto korisne površine objekta.

Za naknadu za uređenje građevinskog zemljišta Kupac je dužan platiti iznos 396,00 KM odnosno 19,80KM/m² neto korisne površine objekta.

Član 4.

Kapara koju je kupac dužan platiti iznosi 1.000,00 KM i ista se uplaćuje prije zaključivanja ugovora o kupoprodaji.

U slučaju odustajanja od zaključivanja kupoprodajnog ugovora, kupac nema pravo na povrat uplaćene kapare.

Član 5.

Ovlašćuje se Općinski načelnik da sa Kupcem zaključi ugovor o kupoprodaji u formi notarski obrađene isprave u roku od 7 dana od dana pribavljanja pozitivnog mišljenja Pravobranilaštva.